

حقوقي بيلکيلر مجموعه سي

هر آي صوکنده نشر اولنور

ماده لرینی بوراده ذکر ایتک موجب فائده در . اشبو ۲۲۸ نجی مادهیه نظراً دولت
مأمور لرندن هرکیم افراد ناسدن بری حقنده مأموریتنه عائد وظیفه یی سوء استعمال
ایده رک قانون ونظامک تعیین ایتدیکی احوال دن باشقه بر صورتده کینی بر معامله یا پیلیمسی
أمر ایدره، یا خود أمر ایتدیرر و یا بویله بر معامله یا پارسه بر آیدن رسنهیه قادر حبسه
محکوم ایدیله جکی کبی ۲۸۱ نجی ماده حکمنه نظراً دولت مأموری بر جرم ایشله مک
ایچون حائز اولدینی مأموریتنه عائد قوت و واسطه لری قوللاندینی تقدیرده اگر قانون
اساساً بومأمورک صفت رسمیه سنی نظر اعتباره آلامش ایسه ایقاع ایتدیکی جرم ایچون
قانوناً معین اولان جزانک آلتیده بردن اوچده بره قادر تزیید اولوناجنی درکاردر .
شو قادرکه بوخصوصده و مأمورک عامه اوزرنده بر سلطه صاحی اولسی اقتضا ایدره ؛
بونلرک کیملردن عبارت اولدینی جزا قانوننک ۲۷۹ نجی ماده سنده ذکر ایدلمش و دولتک
و یا ولایتک و ناحیه و قریه لرک نظارتی آلتنده بولونان رخدمته معاشلی و یا معاشسر دائمی
و یا موقت وظیفه کوره نلرک مأمور عد ایدلیدیکی تثبیت اولونمشدر [۲] .

اصول محاکات جزایه قومیسینی
اعضاسندن آووقات

باهر

اجرا قانونی

یکی اجرا حکملری

محترم ارقداشمر رفیق بکک صوک اجرا تعدیللری حقنده یازدقلری شو مقاله یی نشر ایتدیکن
کبی مدرس رشید بکک حبس جزای علی بنه یازدقلری مقاله یی ده ده آشاغیده نشره مسارعت ایدیبوروز:
(۹۸۰) نومرولی قانون ، موضوعات حقوقیه مزه (۱۱) ماده لک یی اجرا حکملرینی
علاوه ایتمشدر . قانون مدنی ایله بورجلر قانونی اسویچره دن اقتباس ، اصول حقوقیه
قانونی لایحه سنی تنظیمده اسویچره نک (نوشتال) قانونی منبع اتخاذ ایتکلکمزه کوره
یکی اجرا قانوننک اسویچره فده رال اجرا قانونندن استنباط یک طبیی و قانونلر آره .

[۲] بو بایده فضله تفصیلات آله ایتک ایچون «حقوق اداره» نک فصل مخصوصنه مراجعت
ایدلک و ۳۱ مارت سنه ۱۹۲۶ تاریخ و ۷۸۸ نومرولو مأمورین قانوننک برنجی ماده سی تدقیق
و تألیف اولونقی اقتضا ایدره .

سندہ کی ارتباطی تأمین ایچون دہ لزومیلدر. شو قدر کہ احکام اصولیہ موضعی و دہا زیادہ وطنی اولدیفندن احتیاجزی دہ تأمل ایجاب ایدر. نتہ کیم اصول حقوقیہ قومیسیتی بواساس دائرہ سندہ مساعیسنہ دوام ایتمکده در.

لایحه، بودورہ اجتماعیہ یتشدریلہ مدیکندن معاملات اجراییہ مزدہ صمیمتہ آرزو اولنان فعالیتک تأییدات قانونیہ ایله مستعجلاً تأمین دہ ضروری کورلمشدر (۹۸۰) نومرولی قانون عدلیہ وکالت جلیله سنک مختلف وسائط ایله اجرا ایلدیکی تدقیقات ایله تعین ایدن متکائف احتیاجلارک، متحقق ضرورتلرک محصولیدر. مؤسسات حقوقیہ دہ سرعتک اظهارحق ویا اشکالک استیفای حق تعویق ایدہ بیلیمسی احتماللری عینی درجہ دہ تہلکه لیدر. حق و سرعت اساسلرینک حسن تألیفی ایله غایہ تأمین اولنور.

مذکورقانون، برطرفدن تطبیقات ساحہ سندہ استحصال حق تعویق ایدن خصوصاتی برطرف ایدرک قطعی حکملرله سرعتی تأمین ایتدیکی کبی متقابل و متوازن مؤیدہ لریلہ طرفینک حقوقی متکفلدر. بناءً علیہ واضع قانونمز بواساسلری تألیف ایشدر. فردی و حکمی شخصلرک بالرضا ایفا ایتمک لری وجائبک جبراً ایفا ایدیلہ بیلیمسنک اک یوکسک مؤیدہ سی دولتک ضمایدر؛ دولت بووظیفه سنی وسائط اجراییہ سیلہ یاپار. غایه نیک برنجی مؤثر واسطه سی اولان حیز اموال اساسی بالعموم دول متمدنه احکام اجراییہ سندہ تفرعاتدن صرف نظر وحدت اراده ایدر.

بورجلینک اموال حاضرہ و مستقبلہ سی، مطلوباتی والحاصل قابل تقویم ماملکی بورجنہ فارشی تأمیناندر. امتیاز وحق رجحان کبی افادہ تخصیص ایدن موضوعاتدن صرف نظر ماملک عادتا آلاچقیلرہ مرهون ماہیتده در. وجیه آنجق بوندن ایفا اولنور. بومطالعہ حق رهن عمومی نظریہ سنک مستندی اولوب اوزون دورلرک افکار بشرده وجودہ کتیردیکی انقلابات مولودیدر. حقوق قدیمہ دہ بورجنی ویرمین بورجلیلر حقندہ آلاچقیلنک پانچمہ مقتدر اولدینی انواع اعتسافلری تاریخ بزم نقل ایتمکده در. روما حقوقندہ دہ بورج مدیونک شخصندن استیفا اولنور اساسہ کوره آلاچقلی بورجلیسنی تحت اسارتہ آلفہ بیلہ مقتدردی. معاصر مدنیات تلقیات حقوقیہ سی بونلری برطرف ایتمک چالیشمقلہ برابر

بورجلیلرک ماللرینی قاچیره رق آلا جقیلیرینی مشکل بر موقعده بر اقلری احتماله قارشیده
یکی، یکی مؤیده لر وضع ایتشدیر .

مختلف دولتلرک اجرا حکملرنده بونلرک مختلف طرزلرینه تصادف اولنور. غایه نیک
بوایکینجی مؤثر واسطه لرینی؛ منقول مالرده ذی الیدلک وضعیتی. حیلله لی تصرفلرک ابطالی
تاریخ مثبت نظریه سی، متعدد حجزلرک یکدیگرینه رجحان و امتیازی، عقد رهنک و یاقاری
قوجه آره سنده کی تصرفاتک اشخاص سائرته ک حقوقه درجه تأثیراتی، موجود اموال
حقنדה بیاننامه اعطاسی مجبورتی و بیاننامه نیک خلاف حقیقت ویرلسی خصوصتک مؤیدات
جزائییه سی، قار و سفاقت ایله ثروتک افاسی حالتک و یا خود اموال و مطلوباتک بیانی
صره سنده مکتوم اموالی بولندیفنه دار تکلیف ایدیلن یمینی اجرا ایتمه مکملکک اجراء
حبسی انتاج ایتیمی و نهایت دین ایچون حبساً تضییق صورتنده تلخیص ایده بیلیرز .
زمله قبریس، هولاندا و آلمان موضوعات اجراییه سنده تخصیصاً کورولن صوک
دورت مؤیده دن ماعداسی مختلف طرزده همان همان عمومیدر .

اسویچره فده رال قانوننده ایسه یک یکی ومعنوی بر مؤیده وارددر؛ ثمره سز حجز
ایچون حق انتخابدن اسقاط جزاسی . فی الحقیقه حق انتخابدن اسقاط و طنداشلق حقوقتک
اک مهمندن محرومیت دیمک اولاجفندن معناً یک الیم بر جزادر. بونک مؤیداً وقوعنی
آغیر کورن واضع قانون معین بر مدته توقیت و تقدیرینی ده فده رال محکمه عالییه سنه
تودیع ایتشدیر .

بالعموم معاملات اجراییه وبالخاصه حجز . کرک منقول و غیر منقول امواله و کرک
معاشه معطوف اولسون دولت مهم بر کلفت قبل ایدر . احقاق حق وظیفه عالییه سنک
ایجابی اولان بو کلفتک شکل تجلیسی جای نظردر . جمهوریت اداره سنک یکی اجرا
حکملریله بونی یک واسع صورتده قبل ایتدیکی شکرانه کورولور .

اجرا دائرته سنک تبلیغاتی درحال انفاذ و نتیجه سنی بلا تأخیر اعطا خصوصنده بالعموم
تشکیلات دولته خطاب ایدن واضع قانون بو مجبورتی ایها ایتمه ن علاقه دارلرک دائره
عائده سنجه تحقیقات اولیه لئوم قالمق سزین حقارنده مدعی عمومیلکجه رأساً تعقیبات
اجرا اولنه جفنی امر ایتشدیر . (ماده ۱۰ فقره ۲) دولت تشکیلاتنک حقوق عامیه تعلق

ایدن خصوصات حقنده بیله تعقیباتی تحقیقات اولیه ایله تقید ایتمشکن فردک حقوقک بونک فوقنده تأمیناته ربطی جمهوریتک و طنداشرلر حقنده کی یوکسک تلقیسنک بک بارز بر دلیلدر. بو مادهنک موضوعات قانونیه من میانسه شیمدی به قادار قونولامامسی دوشونولورسه اهمیتی بر قات دها تظاهر ایدر.

حجز معاش حقنده کی مؤیده قانونیه ده بک مهمدر. حجزک مأمورلرک معاش و مأمور-یتلرنجه وقوعه کله جک تبدلاره شمولی، تبدل حالنده یکیدن اجرا تبلیغانته انتظار ایدلمکسزین توقیفاتک اجرایی و تبدل بشقه بر محلدن معاش آلمنی موجب ایسه درحال اوریاه بیلدرلمسی و توقیفاتک اجرا نامه تنظیم ایدیله جک بوردر بونک معاش بوردر وسیله برابر ویزه ایتدیرلک شرطیله تأمین تسریعی و اجرا تبلیغاتی اوزرینه برهفته ظرفنده جواب ویرلمسی تحت مجبوریته آلمش و بوجبوریته مال مأمورلرندن بشقه دائره آمرلرینه ده تشمیل ایدلمشدر. (ماده : ۲)

فردک حقنی تأمین معطوف بو حکملره رعایت ایتیلر حقنده ایکی مؤیده وضع اولنمشدر:

۱ — وظیفه ده اهل و تراخی نظریله باقیله رق تعقیبات قانونیه اجرا اوله بیللمسی .

۲ — کسملین و یا ایلک واسطه ایله کوندرلین یاره نک حکم استحصاله حاجت اولمکسزین اجرا دائره سنجه معاش و اموال ذاتیه دن حجزاً استیفاسی .

بوندن ماعدا، مذکور حکملره رعایت ایتین هر هانکی بر مأمور و یا آمر حقنده ایسته نیله جک معلوماتک اجرا دائره سنه درحال ویرلمسی بونلرک منسوب اولدینی دائره نک وظیفه سی جمله سندن عد ایدلمشدر که (ماده : ۳) عدم ایقاسی موضوع بحث بیله اولاماق لازمدر. محجوز غیر منقولک بورجی اطفا ایدم بیله جک بر بدل ایله خارجاً صائیلا بیللمسی حقنده کی رخسک تطبیقات ساحه سنده استحصال حق تعویق شکلنده کی تجلیاتی و محجوزک بالعموم اوصافک اعلانی مجبوریته علاقه دارلری اضراردن بشقه بر نمره ویرم دیکنی کورن واضع قانون بو محذورلری ده بر طرف ایتمشدر. (ماده : ۴ و ۵)

دین ایچون حبسک اوته دن بری مؤلفلرجه معروض تنقید اولدینی معلومدر. صاحب اثر محترم مدرس و آوو قاتلر بجزک قیمتلی اثرلرنده ده عینی مطالعه کورلمشدر. حبساً تضییقک متمرد بورجیلر آلا جقلیلری ایچون نه درجه مؤثر و مهم بر مؤیده اولوب اولمادینی

خصوصاً استاتستیکلرک بلیغ ارقامیلہ دول غربیہ دن بر قسمنک موضوعات اجرائیہ سندہ
الیوم باقی مختلف شکلرک بلاطراف تدقیق صورتیلہ علم و احتیاج دائرہ سندہ تحلیلی آیری
بر موضوعدر .

صورت تسوہ نك دینك مقداری و بورجلینك احوال ظاہریہ سی چرچیوہ سی
داخلندہ تقدیری دوائر اجرائیہ مزدہ متباین اجتہادلری و بالتیجہ مختلف محاذیری موجب
اولدیغندن یکی قانون بونی معین و مطرد بر اساسه ارجاع ایتشددر .

آلاجقلینك اعلامی استحصا و بورجلیسنہ تبلیغی وجیہی ایفا آرزوسنك دلیل
قطعیسی اولاماز . (فرانسہ حقوق مدنیہ سی - پلانیول) بو آرزو آنجق اجرا اخبارنامہ سنك
تبلیغیلہ تحقق ایدر . بوكا مقابل بورجلینك اخبارنامہ مدتی ظرفندہ اجرا دائرہ سنہ
مراجعت و وجیہی ایفایہ مسارعت مجبورتی دہ بك طبیعیدر . بو وظیفہی یا مایانلر حقندہ
فائضدن ماعدا ایام تأخرہ ایچون بورجہ بر مقدار تضمینات ضمی مناسب بر جیردر .
واضع قانونمز (تضمینات اجباریہ) سیستمی ریئہ اخبارنامہ مدتی ظرفندہ صورت تسوہ
کوسترلمدیکی و بر سنہ لك تأجیل اساسی اعتباریلہ ایلك تقسیط ویرلمدیکی حالده تأجیل
رخصتی رفع و بورج تماماً ویرلمزسہ حبس مؤبدہ سی قبول ایتشددر . (مادہ : ۷)

بو مادہ ؛ مدتلری ظرفندہ صورت تسوہ کوسترلمہ سی ویا اطفای دینك مادہ قابل
اولاماسی حالرندہ بورجلینك و تأجیل قرارندن صکرہ سعه مالیه حصولندہ آلاجقلینك
حقوقی متکفل حکملری دہ جامع در . اجرا دائرہ سی حضورندہ تقرر ایدن شرطلرک
واولجہ ذمتہ تعلق ایتمش اولان بورجلرک نتیجہ لری دہ سکزنجی مادہ دہ کوسترلمشددر .

اجرا تعقیباتنك صورت ایفاسی حقندہ باشلیجہ ایکی شکل جلب نظر ایدر : تعقیباتنك
اجرا دائرہ سنجہ رأساً ایفاسی ، مرهانیکی راجرا معاملہ سنك من له الحقك مراجعت و طلبہ
وابستہ بولنسی . قانونمز ایکنجی اساسہ مستنداً تنظیم ایدلمش اولوب تعقیبات آلاجقلینك
مراجعتیلہ مقید اولدیغندن آلتی آی مراجعت ایدلمزسہ اجرانك تأخیر ایدلمسی بواساسك
طبیعی نتیجہ سیدر . حالوکه وثیقہ سی اجرا دائرہ سنہ تودیع و بورجلی یہ اجرا اخبارنامہ سی
تبلیغ آلاجقلینك مقصد و هدفنی واضحاً اراہ ایدر . چین تودیعده بورجلیسنك اقامتکناھی ،
اموالنك بولندیغنی محلی مبین بر بیسانامہ ایله نامہ آجیلہ حق حساب جاری یہ یازیلہ رق
نتیجہ معاملہ دہ کندوسنہ حساب ویرلمك شرطیلہ مصارف اجرائیہ یہ مقابل آوانس

اعطاسی صورتیله سبق ایدیه جک طلب اوزرینه تعقیباتک اجرا دائره سنجه رأساً ایفا وانتاجی الک کوزل بر اصولدر. بوکا (بیاننامه اصولی) دییه بیلیرز. آتیا بواساسک قبولی ودوائر اجراییه مزک بواجتاجی تطمین ایدیه بیلجه جک برحاله افرانجی شهبه سز غایه درکه یکی اجرا حکم لریله بونک تملی قولشدر.

قانونک طقوزنجی. ماده سنده کی «آلاجقینک طلبی اوزرینه معاش حجزی ویا بورجلینک حبسی حقنده ویریلن قرارلر رأساً تعقیب اولنور» حکمی فکر بجه بوشعه ده مهم برترقی خطوه سیدر. واضع قانونک سرعت وعدالت دائره سنده احقاق حق ایچون قویدینی اساسلر، مأمورین اجراییه مزک فکر تعقیب وحسن تقدیر لریله نافع ثمره لر ویره جکنه امین اولابیلیرز. بونک ضامی اوله رق مأمورین اجراییه نک امر اتخابلرینک محلی انجمنلرندن آلتیمی ومرتبه اولی درجه سندن تفریق وبالنتیجه بو مأمورلره آیری بر وارلق ویرلسی ضروری اولوب بوتأمک ایلک ثمره سی ده آتیده کی ماده در:

[ماده ۱۰: ۱ — قضا صفتی حائز اولمایان اجرا معاونلریله (یعنی مستقل اجرا رئیس بولان دوائر اجراییه معاونلری) اجرا مأمورلری عدلیه وکالتجه تعیین اولنور]. مأمورین موجوده نک حق مکتسب لری محفوظ قالمق. بالعموم معاملات اجراییه بدایه اجرا مأمورلری طرفندن طوغریدن طوغرییه پایلوب بوباید اعراض وقوعنده ویا متعدد اجرا دائره سنک مربوط اولدینی اجرا رئیسک درجه تالیده اتخاذ ایله جکی قرار مطاع اولق صورتیله اجرا مأمورلرینک صلاحیتی توسیع وتشکیلات موجوده بواساس دائره سنده تبدیل ایدمک اوزره بومأموریتلرک مکتب حقوق مآذونلرینه حصری وکندی لرینک درجه ثانیه مأموریندن عدی ده پک یقین بر آتینک مشکور بر اتری اولاجقدر.

استانبول اجرا رئیس

احمد رفیق

صوک اجرا تعدیلاتی و بورج ایچون حبس

۱

اصول محاکمه حقوقیه واجرا قانونی یکی باشندن قانون مدنی ایله آهنکلی برطرزده تنظیم ایتک اوزره تشکیل ایدیش اولان قومیسون اصول محاکمه حقوقیه قانون لایحه سی